



REPUBLIKA E SHQIPËRISË

GJYKATA ADMINISTRATIVE E APELIT  
KËSHILLI I GJYKATËS

Nr. 654 Prot

Tiranë, më 19.12.2022

V E N D I M

Nr. 43, datë 19.12.2022

“PËR EMËRIMIN E SHTETASES ERVELINA HOXHA SI NËPUNËS CIVIL  
GJYQËSOR SEKRETAR GJYQËSOR”

Këshilli i Gjykatës Administrative të Apelit, i përbërë nga:

**Enkelejda METALIAJ (SOFTA)**

**Zëvendëskryetare e Gjykatës,**

**Blerona HASA**

**Anëtare Zëvendësuese,**

**Leonard STRATAJ**

**Kancelar i Gjykatës,**

Asistuar nga sekretarja **Kristina PËRNASKA**, i mbledhur në Tiranë, sot më datë, **19.12.2022**, pasi mori në shqyrtim çështjen e emërimit nëpërmjet lëvizjes paralele, si nëpunës civil në Gjykatën Administrative të Apelit, të sekretares gjyqësore të Gjykatës Administrative të Shkallës së Parë Tiranë znj. Erelina Hoxha,

V Ë R E N

Se Këshilli i Lartë Gjyqësor, me Vendimin nr. 622, datë 10.12.2020 “Për lëvizjen paralele, ngritjen në detyrë dhe pranimin në shërbimin civil gjyqësor”, ka miratuar procedurën për plotësimin e vendeve vakante në shërbimin civil.

Nga ana e Gjykatës është njoftuar Këshilli i Lartë Gjyqësor se pranë këtij institucioni është 1 (një) vend vakant në shërbimin civil gjyqësor, kategoria ekzekutive “Sekretar gjyqësor”.

Në ligjin nr. 98/2016 “Për Organizimin e Pushtetit Gjyqësor në Republikën e Shqipërisë”, i ndryshuar, si dhe Vendimin nr. 622, datë 10.12.2020 të Këshillit të Lartë Gjyqësor parashikohet se vendet vakante në shërbimin civil gjyqësor plotësohen me rikthimin në

zbatim të një vendimi gjyqësor të formë së prerë, rikthimin, për shkak të pezullimit, nëpërmjet transferimit sipas neneve 66, 67 dhe 68 të ligjit nr. 98/2016 “Për Organizimin e Pushtetit Gjyqësor në Republikën e Shqipërisë”, i ndryshuar.

Në rast të pamundësisë për plotësimin si më sipër, atëherë në radhë zbatohet lëvizja paralele, ngritja në detyrë dhe në fund pranimi në shërbimin civil gjyqësor.

Në këto kushte, në mbledhjen e datës 15.11.2022, Këshilli i Gjykatës vendosi të procedojë për plotësimin e vendit vakant me anë të lëvizjes paralele dhe shpalli njoftimin në faqen zyrtare të Këshillit të Lartë Gjyqësor, Gjykatës, si dhe gjithë gjykatave të vendit me kushtet e kërkuara. Afati i aplikimit për lëvizjen paralele u caktua deri më datë 30.11.2022. Rezulton se deri në këtë datë është paraqitur aplikimi i shtetasës Ervelina Hoxha. Në përfundim të verifikimit paraprak të kandidatës Ervelina Hoxha për përmbushjen e kushteve nëpërmjet procedurës së lëvizjes paralele për pozicionet vende vakante “Sekretar Gjyqësor” në Gjykatën Administrative të Apelit, kjo e fundit është kualifikuar për të vazhduar fazën e dytë, atë të vlerësimit profesional nga Këshilli i Gjykatës.

Në këto kushte, Këshilli i Gjykatës është mbledhur në datë 15.12.2022 duke bërë vlerësimin e kandidatës të kualifikuar Ervelina Hoxha. Ndërkohë u mbajt parasysh fakti që Këshilli i Lartë Gjyqësor ka miratuar edhe Udhëzimin nr.85, datë 11.03.2021 “Për procesin e plotësimit të vendeve të lira në shërbimin civil gjyqësor nëpërmjet procedurës së lëvizjes paralele, ngritjes në detyrë dhe pranimit nëpërmjet konkurrimit të hapur”, pra përpara vlerësimit, dhe për rrjedhojë Këshilli u bazua edhe mbi këtë vlerësim.

Këshilli i Gjykatës mori në intervistë kandidaten e kualifikuar Ervelina Hoxha duke i drejtuar pyetje rreth përvojës arsimore, profesionale, referuar nenit 11 të Vendimit nr.622, datë 10.10.2020 dhe Udhëzimit nr.85, datë 11.03.2021 të Këshillit të Lartë Gjyqësor.

Këshilli i Gjykatës pasi mori në shqyrtim dokumentacionin e paraqitur nga kandidatja Ervelina Hoxha miratoi vlerësimin si më poshtë: Për vlerësimin e përvojës profesionale, anëtari i parë ka dhënë 40 pikë, anëtari i dytë ka dhënë 40 pikë, anëtari i tretë ka dhënë 40 pikë. Për kriterin e vlerësimit në punë, të gjithë anëtarët kanë dhënë 40 pikë. Për pikët në fushën e trajnimeve, ose kualifikimeve, të gjithë anëtarët kanë dhënë 5 pikë.

Nga mbledhja e vlerësimit të përvojës profesionale, vlerësimit në punë dhe vlerësimit të trajnimeve profesionale, në total kandidatja Ervelina Hoxha u vlerësua në total me 85 pikë.

Sipas nenit 11. të Vendimit nr.622/10.12.2020 “Për lëvizjen paralele, ngritjen në detyrë dhe

Neni 13, pika 1, i Vendimit nr.622, datë 10.12.2020 të Këshillit të Lartë Gjyqësor parashikon se: “1.Këshilli, brenda 24 (njëzet e katër) orëve, pas përfundimit të procedurave të ankimit, bën emërimin e kandidatit me më shumë pikë, nga lista e hartuar sipas pikës 2 të nenit 11 të këtij vendimi”.


Në kushtet kur kandidatja Ervelina Hoxha plotëson kushtet formale për lëvizjen paralele dhe ka marrë 85 pikë në vlerësim, Këshilli i Gjykatës çmon njëzëri se ajo duhet të emërohet si Sekretar Gjyqësor në Gjykatën Administrative të Apelit dhe, për rrjedhojë:

### V E N D O S I:


1. Emërimin e shtetases znj. Ervelina Hoxha si nëpunës civil gjyqësor “*Sekretar Gjyqësor*” pranë Gjykatës Administrative të Apelit.
2. Znj. Ervelina Hoxha të bëjë dorëzimet, brenda 5 ditëve nga nxjerrja e këtij akti, në Gjykatën Administrative të Shkallës së Parë Tiranë.
3. Vendimi t’i njoftohet kandidates, Këshillit të Lartë Gjyqësor dhe të gjithë Gjykatave të Republikës së Shqipërisë.
4. Ngarkohet Kryetari i Gjykatës dhe Kryesekretarja për zbatimin e këtij vendimi.

Tiranë, sot më datë 19.12.2022.

Anëtar  
Kancelari  
Leonard STRATAJ



Anëtare  
Anëtare Zëvendësues  
Blerona HASA



Kryetare  
Zëvendëskryetare  
Enkelejda METALIAJ  
(SOFTA)



Sekretare  
Kristina PËRNASKA

